

## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

P. Schalaholtden. & B. Holen. Episcopis, & aliis Ecclesiarum Praelatis &  
Clericis universis per Iflandiam constitutis.

**urn:nbn:de:hbz:466:1-20006**

tione præmissa, per censuram ecclesiasticam appellatione remota cogatis. Prædictas verò Constitutiones, si eas de assensu Capituli majoris senioris partis sine pravitate qualibet inveneritis esse factas, & possibilis Ecclesia patitur, faciat inviolabiliter observari. In aliis ordinationem Ecclesia prædictis Episcopo & Decano auctoritate apostolica committatis, ita ut quæ cum majori parte Capituli tam super Canonis instituendis quam super aliis canonice duxerint statuenda, non obstante contradictione vel appellatione paucorum obtineat firmitatem. Expensas verò antedicto Archidiacono restitu faciatis, si legitimè probare potuerit se de Capituli mandato suscepisse prædicta negotia promovenda, & propter hoc ad fedem apostolicam accessisse. Nullis literis &c. præter assensum partium &c. Quod si omnes &c. tu, frater Archiepiscopi, cum eorum altero &c. Datum &c.

P. SCHALAHOLT D E N.  
& B. Holen. Episcopis, & aliis Ecclesiæ  
rum Prelatis & Clericis universis per  
Islandiam constituis.

*Epist. 320.*  
Significat eis  
gravia quadam  
vitia que per  
Islandiam cor-  
rigere debeant.

**Q**UAMVIS insula vestra longo ter-  
rarium tractu ab Vrbis partibus sit  
remota, vos tamen, quod apostolicæ pro-  
visionis non satis extores, aestimare debetis, cum ex injuncto nobis apostolatus  
officio facti simus secundum Apostolum  
sapientibus & insipientibus debitores, &  
ita pastoralem sollicitudinem gerimus de  
propinquis, quod eam extendimus etiam  
ad remotos, quos absentes corpore, spi-  
ritu verò præsentes, caritatis brachiis  
amplexamur. SANè dilectum filium Er-  
lend. Abbatem, latorem præsentium,  
quem ad nos transmittere curavistis, bo-  
ni testimonij virum, paterna benignita-  
te recepimus, & sicut eo didicimus re-  
ferente, licet nullas ex parte vestra por-  
taverit nobis literas sigillatas, quas ta-  
men afferuit se amisisse in maris pericu-  
lis constitutum, nonnulla in partibus  
vestris velut in usum & consuetudinem  
sunt redacta, quæ ab agro dominico sunt  
studiosius extirpanda, ne per spinas & tri-  
bulos semen evangelicum suffocetur. in-  
ter quæ sequentia duximus ad cautelam  
exempli gratia exprimenda, ut per ea  
studeatis cetera vitia capitalia evitare,  
per quæ ira Dei venit in filios dissidentia,  
qui sterçora pro croceis amplectuntur,

& luci tenebras anteponunt. Et ut incipiamus à primo inobedientia vitio, per quod peccatum intravit in mundum, cùm in Ecclesia Dei diversi gradus ad instar cœlestis curia sint distincti, ut secundum dispositionem superiorum obtemperantibus inferioribus cuncta rite procedant, unde & Romana Ecclesia tanquam magistra non humana sed divina dispositione universis & singulis per orbem Ecclesiæ est prælata, ut ad eam velut caput alia sicut spiritualia membra respondeant, cujus pastor ita suas aliis vices distribuit ut ceteris vocatis in partem sollicitudinis solus retineat plenitudinem potestatis, ut de ipso post Deum alij dicere possint, *Et nos de plenitudine ipsius accepimus, sicut idem E. Abbas nobis diligenter exposuit, qui sunt inter vos subditi, dum Prælatis suis in his quæ agunt perperam, nolunt humiliter obedire, ac secundum ipsorum monita salubria declinare à malo & facere bonum, contra torrentem dispositionis divinæ brachia nituntur extendere, & quasi contra stimulum calcitrare, quæ sic dispositi gradus & ordines differentes, ut reverentiam minores majoribus exhiberent. Profectò qui talia agunt, regnum Dei non possidebunt, erroris magnitudinem non pensantes, cùm secundum Prophetam peccatum harioandi fit repugnare, & scelus idolatriæ nolle acquiescere. Hi nempe vel sunt potentes, & peccata sua propria temeritate defendunt, non attendentes quod legitur, Potentes potenter tormenta patientur. & Deposuit potentes de sede. Vel minores. Et ut licentiū proruant in peccatum, majorum tuitione defendere se nituntur, declinantes corda sua in verba malitia, ad excusandas excusationes in peccatis, tanquam in extremo examine, quando unusquisque onus suum portabit, illi possint eos à ventura ira defendere qui pro suis sceleribus æternis incendiis reservantur. Quid de homicidiis, incendiis, & fornicationibus referemus, & quod excommunicatis communicare præsumitis, & præsertim Suero & excommunicato & apostata, Deo & sanctis ejus pro suis actibus inimico? Si vellemus ad unguem singula persequiri que inter vos dicuntur peccatis exigentibus frequentari, pagina cresceret in immensum, & tedium legentibus & audientibus generaret. Dolemus ergo plurimum &*

tristamur hæc inter vos liberè perpetra-  
ri. Sed veremur admodum & movemur,  
ne fortè (quod absit) propter dissolutam  
negligentiam vestram ista proveniant,  
qua dum negligitis perturbare, quid  
aliud facitis quam fovere, facti canes  
muti, non valentes latrare? quibus dicitur  
per Prophetam: Clama, ne cesses, quasi  
tuba exalta vocem tuam, annuncia populo  
meo sceleria eorum, & domui Jacob  
peccata eorum. Vnde Apostolus inquit  
Ephesi: Mundæ sunt manus meæ à san-  
guine omnium vestrum. Non enim subterfu-  
gi quominus annunciarum vobis omne con-  
fatum Dei. Mundus ergo à sanguine ip-  
sum non esset, si eis annunciare Dei  
judicium noluisset: quia cùm increpare  
delinquentes noluerit, eos proculdubio  
tacendo pastor occidit. Cùm itaque in  
tremendi die judicij de vestris & subdi-  
torum vestrorum actibus debeat redde-  
rationem, quin etiam & de omni verbo  
otioso quodcumque locuti fueritis;  
hortamur universitatem vestram, mon-  
nemus in Domino, & per apostolica  
scripta mandamus, quatenus contra delinquentes  
qua contra bestias Ephesi  
viriliter exurgentibus, ne post cursum vi-  
tae labentis in manus Dei viventis (quod  
horrendum est) incidatis, murum vos  
pro domo Domini non dubitetis oppo-  
nere, & contra faciem Damasci turrim  
vos in expugnabilem opponentes, evel-  
lere ac destruere, & edificare pariter &  
plantare unanimiter procuretis qua in  
Ecclæsia Dei eyellenda & defruenda,  
& edificanda fuerint & plantanda. Ceterum  
quoniam adhuc habemus multa vo-  
bis dicere qua non possunt commodè  
per præsentem epistolam declarari, præ-  
missis breviter prælibatis, caritatib  
vestra duximus prædicendum quod aucto-  
re patre luminum, à quo omne da-  
tum est optimum & omne donum per-  
fectum, in proximo invento viro se-  
cundum cor nostrum, eum ad vos mit-  
tere disposuimus: per quem de singulis  
qua omittere vel facere debeatis, &  
omnibus qua fuerunt nobis ex parte  
vestra proposita, cùm ad vos venerit,  
efficiemini certiores. Datum Reat. III.  
Kal. Augusti, &c.

Epist. 312.

**I**N eundem ferè modum scriptum est Prin-  
cipibus & populis per Islandiam consti-  
tutis. Quamvis insula vestra ut supra &c.  
usque ad verbum liberè perpetrari; quos

salvos fieri cupimus, & ad agnitionem  
veritatis venire: ad quod viam vobis  
salubriter præparabit, si habueritis in  
his qua Dei sunt obedientiam ad Prä-  
latos, & eos immo Deum in ipsis cura-  
veritis honorare in quibus contemptis  
Deus spernitur, & in receptis recipi-  
tur, & etiam honoratur, & opera im-  
penderitis in operibus pietatis, & præ-  
fertim eleemosynis conferendis, quarum  
efficaciam Scriptura commendans in-  
quit: Sicut aqua extinguit ignem, ita ele-  
mosyna peccatum extinguit. Ceterum quo-  
niam adhuc habemus &c. ut supra. Da-  
tum ut supra.

## HYDRVNTIN. ARCHIEPISC.

**P**Er tuas nobis literas intimasti quod  
Rao de Aceresia ex muliere qua-  
dam, quam secundum opinionem ma-  
joris partis vicinæ in concubinam ha-  
bebat, prole suscepta, quandam prius  
& aliam ea defuncta duxit uxorem, &  
ea ex qua prolem suscepserat, virum si-  
bi alium copulavit. Processu verò tem-  
poris idem Rao in præsencia multorum  
firmavit proprio juramento quod eam  
quam habere visus fuerat concubinam,  
prius affidaverat in uxorem quam ex  
ipsa filium genuisset: & cùm post jura-  
mentum illud per sex annos & ultrà vi-  
xisset, dum ageret in extremis, eum  
quem ex illa suscepserat, filium legitimum  
appellavit, & heredem instituit in te-  
stamento. Cùm autem tua fuisse inqui-  
sitioni & decisioni commissum, an fi-  
lius sic suscepitus, legitimus esset heres  
ipsius R. & ad ejus patrimonium admit-  
tendus, propter id quod ex quadam  
decretali bona memoria Alexandri Pa-  
pæ prædecessoris nostri standum esse su-  
per hoc verbo viri & mulieris credebas,  
testes à filio ejusdem R. productos pro-  
vidè suscepisti: quibus legitimè compro-  
bavit predictum R. matrem suam in ca-  
pella sancti Sergij affidasse. propter quod  
eum ipsius R. heredem esse legitimum  
judicasti. Nos igitur attendentes quod  
plus est quod in veritate agitur, quam  
quod simulatè concipitur, licet tam di-  
ctus R. cùm ea dimissa quam ut concu-  
binam habuerat, ad alia vota transivit,  
videatur ex ipso facto, quod matrimonium  
inter eos celebratum fuerit, dene-  
gasse, quia tamen desponsatio per testes  
legitimos comprobata, eos matrimonialiter  
fuisse conjunctos ostendit; sive

*Epist. 312.*  
Quod filius ex  
ea suscep-  
tus  
qua purabatur  
elle concubina,  
& post appa-  
ratus quod esset  
legitima uxor,  
sit legitimus.  
*Cap. Per tuas  
literas. Qui filii  
sunt legitimi.*

*Cap. Transmis-  
sa. Qui filii sunt  
legitimi.*

Z ij